

CANTIC

VAR BUHEZ HA MARO

AN AUTROU SANT RONAN

PATRON EUS A LOCROGAN COAT-NEVET



VAR TON : *Guers Olofernes.*

Saludomp oll guitibunan
Hor Pastor biniguet Sant Ronan
Da veza roet un donæson
Ebars ar Vro hac er C'hanton,
Da veza leset e Gorf Santel
En ur vervel e Breiz-Izel.

Er forest eus a Goat-Nevet,
El leach ma en devoa bevet
E yun, abstinanç, oræson,
Eno en deus leset e Galon,
Evit ma vezo enoret

A bep leac'h gant ar Vretonet.

Eus a Irland e oue savet
Demeus a guerent payanet ;
Ha dre ma en devoa speret,
O sonjeal e vise den ar bet,
E lequesont da studia,
Ma teuas eus ar re gapapla.

Ar profit bras eus e studi
A ras dezan dont da gredi
Er Feiz hac er Relijion,
Doue en deus touchet e galon
D'en em renta souden Bælec,
An Aviel Santel da brezec.

Crisqui a ra er vertu bepret,
Bete ma voa Escop sacret,

Hac evit guell servicha Doue
En deus quitet an enor-ze,
Eo bet deut e coste Leon
Evit vaqui d'an Oræson.

Eno souden e voa anaveet
Gant un nombr bras a Vretonet ;
Abalamour d'ar Miraclou
A ree Doue dre e bedennou,
En andret ar re affliget
A zeue a bep-tu d'e velet.

Goude, e Querne a basseas
Gant un Æl dreist ar mor glas,
Gant pehini e voa rentet
Er forest bras eus a Nevet,
Da bellat c'hoas dious ar bet,
Ha chasséal an Drouc-Speret.

Ur paysant mat ha gracios,
Gant joa o clevet comsou Jesus,
A zavas ur lochis er c'hoat
Evit repui ar Prelat,
Ha chelaou e antretien
Da gaouet diganta sclerigen.

Ac'hano e chaseas timat
Ar serpantet emez ar c'hoat,
Hac un nombr bras a Sorcerien
A dourmante ar Gristenien,
Gant cals eus a voal sperejou
A glasq bepret coll an eneou.

C'hoas e voa chomet er plaç-man
Ur vroec mechant hanvet Queban,
Pehini dre e dallenti
Ne falle quet dezi distrei,
Hac evit clevet comsou Doue
Ne devoa evitan nep carante.

Ne devoa quen rebech da ober
D'ar Sant, nemet divroet truffler :
C'hui so quiriec da dud ma zi
Nos ha deiz da feneanti,

Da zileser groec ha bugale
Da sellet ouzoc'h, tra didalve.

Ar vroec-man ne anaye quet,
Ar mat a rente d'he friet,
Pel diouti e voa ar sonch-ze ;
Elec'h savetei e ene,
E oll sourci a voa caouet
Ar madou tromplus eus ar bet.

Rac-se dre ur c'hassoni bras
An den santel a accusas
A-zirac ar Roue Grallon,
Pehini a rentas dezan ræson,
Dre m'e devoa hep guir ebet
E merc'h d'ar Sant-ma tamallet.

Ar re goz o deus lavaret
E devoa e merc'h anfermet
En ur arc'h serret gant un alc'hue,
Evit donet dre ar voyen-ze
Eus ar Sant d'en em zizober
Hac e chasseal eus ar c'harter.

Quemeret a voa gant sergeantel
Ha gant querden clos amarret,
Accuset er guer a Guemper
Evit ur Muntrer ha Sorcer,
Da veza ar plac'h devoret
Evel un den bleiz affamet.

An oll e quer voa estonet
O velet ar Sant-ma tamallet
Gant Queban dre e c'hassony
Eus ur c'hrim capabl d'e zevi,
Goude beza quement servichet
Da dud e zy ha d'e friet.

Prest e voat da ober e broces,
Pa supplias tud ar palæs
Da c'hortos disquez ar c'horf maro,
Hac e velgent eus ac'hano
Pe eon a voa coupabl, pe ne voa quet,
Eus ar c'hrim dezan tamallet.

Doue da zisquez ar virione,
A laquas ar plac'h e buhe,
Hac a zisclerias publicamant
E voa an den santel innoçant,
Ne voa nemet e mam gruel
En devoa-hi leset da vervel.

Buhan an testou pratiquet
Da souten ar c'hrim invantet
A zisparissas incontinant,
Hac hep gortos o feamant,
Rac aon da veza punisset
Hervez ma o devoa meritet.

Na chomas anezo er palæs
Nemet Queban, ar vechantes,
Evit pehini en em stringuas
Ar Sant-man var e zaoulin noas
Da requeti digant Grallon
Eus e zorfet dezi pardon.

Neuse e velas ar Roue
Ne voa digacet gant Doue
Ar Sant-man ebars er c'harter,
Nemet evit heulia hor Salver,
Ha pratiqua ar vertuzyou
En deuz ordrenet hon Autrou.

Ar Roue a Guemper-Caurintin
A zeuas d'e velet gant e drain,
Ar Sant goude o sperejou
A zubstantas ivez o c'horfou,
O rei dezo oll da leina
Gant daou besquic ha tri bara.

Evel ma ye dre ar c'harter
Evit prezec an Aviel,
E teuas tud difeis ha divat
Da reded a-dreuz dre ar c'hoat
Gant mein na bizier a zaou-ben
Oc'h avisa terri e ben.

Hoguen gant Doue e voa preservet,
Evit disquez dezo o zorfet,

Abalamour
En deus castiet ar plaç-man
Abalamour da Sant Ronan
Dre ur vocen gris a garo,
Ha voar cals a dud eus ar vro. *Demour*

Un deiz, pa oa o contempli
En ul levr, var dreuzou e di,
E passeas ur bleiz er c'hoat
A dreuz en e vec un danvat
Var ar poent da veza moguet
Pa voa gant ar Sant dilivret.

Pa voa gant ar veza moguet
Eur gomzik hebquen eus ar Sant
A laquas ar bleiz ravissant
Da renta e zanvat paquet
Dirac Queban hac e friet,
O clasq diskuez dre guemen-man
E dallenti vras da Gueban.

Distrei a reas ar Sant e Leon,
N'ouzer quet an occasion ;
Abars nemeur e voa galvet
Gant Doue da renta e speret,
Da roi dezan en Eê ar gloar
En doa meritet en douar.

Pa voa an den-man o tremen,
E clevet an Ælet an En
Oc'h ober ur c'han, ur meuleudi,
Hac a ravisse peb-hini,
Sign eus ar gloar dezan preparet
Er Barados gant an Ælet.

Tri Escop o deuz disputet
Peleac'h e vize enterret
Ar c'horf eus ar Prelat divin :
Daou ægen gouez a laquas fin,
Pere o veza lest e liberte
En digassase douar Querne.

Hep gortos sicour digant den
A hed an hent evit o ren,
E cassont ar c'har dre ar vro
Ma voa lequeet ar c'horf maro :

Gant Doue hebquen e voant bleinet
D'en em renta e Coat-Nevet.

Herzel a refont er plaç-man
Ma zeo batisset Locronan,
Goude m'o devoa gret an dro
Ar re ar Sant pa oa beo,
Da saludi c'hoas ar plaçou
Enoret dre e bedennou.

Pa voa oc'h ober an dro-man,
E racontr adarre Queban,
Pehini p'e deus-an guelec
A voa ous ar Sant coleret,
A scoas gant he golvas pren
Hac a dorras corn an ægen.

Ar c'horn d'euz an ægen scoet
A voa d'an douar discaret,
Mes dre bermission Doue
A stagas en e blaç adarre ;
Quen na voa ar c'horf rentet
E plaç ar c'horn breman hanvet.

Queban o veza decedet,
En douar profan oe laquet
Var an hent bras, pell dious ar Sant,
Evit exempl d'an dud mechant,
Er menez etre an diou Barres,
Ma vize anezhi sonch da james.

Endra vezo douar er plaç-man,
E vezo galvet Bez Queban,
E c'horf a so eno laquet ;
E ene ne ouzer peleac'h eo eet,
Dre n'hon deus assurans a-gren
E deffe gret tam pinigen.

Un dro bep c'huac'h bloas a ve gret,
An Dromeny ez eo hanvet,
Ar Sant var yun er gre bemdez
Epad ma zeo bet e buez.
Tost da deir leo var-dro e dy,
Da chasseal pell ar bleizy.

D'an eil Sul euz a vis Gouero
Eo instituet pell amzer so,
Da c'hounit induljanç plenier,
E teu an dud a bep carter,
Evit enori ar plaç-man
Ma zeo enterret Sant Ronan.

e font
Guelet eo bet ar relegou,
Ar c'hroaziou hac ar banielou
O vont da ober an dro-man ;
Ar c'hleyer ho son o-unan,
Pa eo bet bet control an amzer
Da arreti an dud er guer.

Ur bloavez, oc'h ober an dro,
Ne tavas morse tout ar glao ;
Ar parruriou heb beza glibet
Var ar relegou biniguet,
A voa rentet seac'h corn er guer,
Evel pa vige caër ann amzer.

c'houe
En-dro d'ar menez, pa bignet,
Flamou tan a so bet guelet
O vont o tont divech patant
A-enoc'h relegou a Sant ;
Doue o tisquez da bep-hini
E plige dezan an Dromeni.

a galy
Diabars eo savet ar Chapel
Gant an Duquet a Vreiz-Izel,
Ha goudese eo bet cresquet
Gant ar Roue hac ar Brincet
Demeus eals a bresanchou,
Abalamour d'ar Miraclou.

Goude, ann Itron Duques Anna
E deus laquet retablissa
Ar plaç eus ar bez biniguet
Ma zeo Sant Ronan enterret,
Da c'houl eno digant Doue
Ar brospérité d'e ligne.

Protectour mad eo ar Sant-man,
D'ar re vras ha da re vihan.

Pa deuer d'e dy d'e enori
Ha gant devotion d'e bedi,
E ra d'an oll soulageamant
A bep poan ac a bep tourmant.

Nombr a vugale tro-var-dro
Deja an articl ar maro
Dre intercession Sant Ronan
So bet lamet emez a boan :
A dre c'hraç an Aotrou Doue
Rentet dirac an oll pare.

Ar groaguez zo bet soulaget
O veza deza en em voestlet,
A ell lavaret gant guirione
Penaos oa carret gant Doue,
Ha pègement e plich dezan
An enor rentet da Sant Ronan.

Ur vouez dour zo tost d'ar plaç-man
So hanvet Feunteun Sant-Ronan,
E deus soulaget lies hini
Oc'h efa dour eus anezi,
Eus an drouc pen ha catarou,
Terien ha guentl dre ar memprou.

E mis Even, d'an deiz quenta,
E bers ar gouel eno bep bloa,
Pa en deus pliget gant Doue
Roi ar sort tensor er c'hontre ;
Pedomp-en a galon deis ha nos
M'hor c'honduo d'ar Baradòs.

FIN.

*Composet ha tennet euz ar Vuez ar Sant
hac eus ann Archivou an Ilis gant ur Belec,
CHAPALAN, quinidic eus a Locronan.*

PERMIS D'IMPRIMER :

Quimper, le 17 Juin 1857.

J. JÉGOU, vic. gén.

Quimper, typ. de Kerangal